

臺灣學刊書局印行

新修寧縣志

明清興寧縣志

③

廣東方志之十一

興寧縣圖書館存

明清興寧縣志
(三)

旅外華僑張榮貞贈

一九八一九

興寧縣志卷之五

明倫彙編 家範典 文行

興寧縣知縣晉陵劉熙祚重舒

又記

然所謂文章者經國之大業司文之星有東原焉
星之所予則傾二酉之藏而實其腹以於蘭室猷飾
吏治裕如也不予則朱衣之項目強色絲之業終櫛
備以飽蠹魚寄名山而已蓋自坡公謫守惠陽以文
學風扇後進屬邑皆有雋類名章映當代而擢朱茲
大也問難傳而可大者爲道載道而可久者爲文故

曰觀乎人又以成化稱世之謂也茲志所錄或鉅公
掾筆騁妍袖秘或時人放客懷占品題之昭治行
而裨風教者更定增人以成完璧不則雖謫涼如春
華亦徒繡其肇輒不可列于著作之林也作文紀

興寧學記

林大欽狀元

興寧學舊在治東南成化間業改建之弘治時有黃
知縣者增二池其前者爲大池稱泮焉爲學形勝池
道通來往其左者業謂勳損龍氣益堪輿家云然卒
莫填也學改建既久丹青間多廊廡凡類又民居校

池也且塞潦雨則流汚雜淤有司者卒莫觀之內申
歲方侯至縣謁廟喟而嘆曰廟其蕪哉廟蕪士無士
蕪風蕪吾其不能一日以政乃諏日度材徵工始復
其故道實其左池爲屋入餘租于學宮乃作二坊左
騰蛟右起鳳乃作啓聖祠祠東西作名宦鄉賢二祠
乃學左作探花書院作崇儒坊於是王宮奕奕廊廡
翼翼諸坊棘棘興寧學煥然矣學經始於丁酉季冬
告成於戊戌仲夏是學也訓導黃輝實襄其終始云
學成諸生劉承忠何廣志來徵記林子曰令哉方便

達聖本義寧其興乎夫較政之大者寧宮不恥則士
氣慢風俗夷事莫耗焉且夫建國者未有不崇文者
也是故天子建學有司脩廢惟士攷志上下相脩養
於道也乃能成德厚俗明則植風昔周之興也學校
之制備矣當是時父子親君臣義夫婦別長幼序朋
友信士無有不明於道而比於性者豈周之人性異
耶教化素明士知自立故也故曰肆成人有德小子
有造夫周其盛乎夫析薪有理導士有紀觀旌旗之
革之色則軍旅之心興瞻銘彝鍾鼎之器則事功之

心盛觀文廟名物之教則禮義之心滋事在適幾而
已故曰令哉方侯達理本矣然曰惟士致志者何也
夫道未有不自我而成者夫建學者操之師儒區之
齊廟明之儀物具之庠既制之而已矣不能使之必
繇也修廢者糾其地類新其污漫給其匱乏警其怠
弛導之而已矣不能使之必化也故有必制而無必
繇則制窮有必息而無必化則導已夫反身提德程
教比制惟士爲能故所居而安者仁之宅也所立而
業尊禮之位也所行而順者義之路也故無偏無陂

無命于拜無紐于利無陽于處居以事父兄出以事
君長士之自設也詩曰濟濟多士文王以寧言多士
皆順於道以悅美若德是故學制不章乃辱有國脩
廢不時乃辱守土致道無力乃辱衣冠夫稽典崇文
國家作賢之制備矣起顏植程方侯勞來之力勤矣
諸士有不裒然興比於性道以悅美于時休而又有
淫于辭紐于利惕于戚失其所出處者吾不信也故
曰寧其興乎侯之力耶非耶不言科第文學諸生所
競競者已無俟也故特嘉方侯新學冀諸士駸駸

斯矣侯名述江西崇仁人訓導黃禪廣昌人云

明倫堂記

薛侃 行人

興寧儒學明倫堂祀池陽施君來尹是邑輒欲新之
將請上則曰政在獲上遂請于上弗與也將役民則
曰政在得民未孚而役之民弗應也既而政孚以籌
諸僚咸曰邑學邑人之學也能以義倡宜以義應矣
以詢邑人邑之殷而義者咸曰邑人之學邑人之勤
也吾侯先焉吾莫敢後謀既集乃以嘉靖甲午冬興
事始於山博埴於野皆出于民之私而公帑無所

于實中建堂傍爲庫舍爲齋廊凡若干楹明年乙未
春落成又明年庠生張翹輩聯幣請記予辭以疾申
曰堂明倫也侯廉吏也先生寧能已於言乎予惟學
之弗修倫之弗明久矣苟有意于是誠能已於言乎
然修學修吾心之學也明倫明吾心之倫也彼其修
之以聲華形式之似修之以言語文字之末吾見其
弗明也是故三代之學所以明倫時則比屋可封今
或未然無乃教失其方而學非其要耶今夫楊者之
於火其薪同刮者之於斧鑑其剗同未有弗明者也然

而不明則非燃剔之未至必其新剔之弗良非新剔
之弗良必其樵取傳方之有誤也知其有誤則將循
而用之乎抑亦擇取而更易之乎子曰天下之達道
五所以行之者三三者天下之達德所以行之者一
也周子曰一者無欲也無欲則靜虛而動直此易簡
之學作聖之要也是故孩提之愛之敬者無欲也長
而不能者欲蔽之也謂其不知而外索以求明是益
蔽也反求而復其本體則明通公溥天下之能事畢
矣是故以無欲而爲父子則親矣以無欲而爲君臣

則義矣以繼後而爲兄弟則序爲夫婦則別爲朋友
則信矣故曰修吾心之學明吾心之倫也後儒精一
中和之說詳矣習之而倫弗明無亦所謂樵取傳方
之有誤者乎井一邑之長也旣崇其學之地復擇取
其方以明于一邑進而州學擇取而明之于一方上
而國學建極之本四方之樞也登正而易之以
明于天下則三代豈遠乎哉此修學明倫之終治道
興隆之會也記以俟

天下珠碧孔翠香澤奇詭之玩塞之不可以永藏之
不可以食萬里而走五嶺之南毒蛇飛盡蘭蕙自有
一死之地務取多而爭美以耀其軀顏充其室御而
相與爭詒上郡中縣之人以爲是能得所不易致者
至於六經先王聖師所爲飲食衣服天下人乎性命
形色之微出乎文理事業之大積之若尺璧而用之
不可既陳之若九鼎而於用日新此其于珠翠奇麗
也不亦急乎又非有達萬里險絕瘴螫之虞安生而
致咎可以相得而無吝以奉者然過之而不取取之

而不能以多畧其粗而不爭其美者何也且彼之取
焉者有禁取六經者非惟莫之禁且苟有意乎爲人
上者將欲然而與之惟恐不家筭而人誦焉何也法
不勝道道勝而風移吾亦可以簡法而治也然予觀
下之能取于六經者鮮矣雖上之人持六經以予人
者亦未能往往而是教衰道微上之人亦猶犬馬古
尊今於爲見爾予友金壇中臺史侯殆有意乎爲人
上者嶺之東有惠惠之東有興寧而侯在焉侯爲人
子頌秀而爵望之知其神君也行嚴而貞秉聖以

平民有弗若於哀之不忍以刑鏗鉦嘖响以復再興
而民于是乎始知法矣侯曰是未可以及化子云入
其國見其人經教可知也吾興寧之人性素敬與情
廣厚與能知類而屬詞與入吾境觀吾人吾殆未嘗
以經教矣夫士以式民而經以式士于是博士王君
學淵連君贊帥率弟子而造曰世有積而必披道無
淵而必澄惟惠靈山鬱川衣冠之氣被於興寧人望
其風九連遂清父老子弟不見兵革者殆且百年士
茲望齒繁遂磨而教之亦維其時士專一經束于功

今未能名也方以不獲人師迹于固陋是愚而侯身
以明牧爲我人師其不終鄙夷之乎侯咲而謝之于
是簡賦薄稽休暇有餘時從博士諸生而橫經各授
以先王聖師所以豐裕美好吾人之意問焉以言如
繁崇山如脉沅波土皆鼓舞沉詣如慊于志然後知
侯之大有得于經而也大有得于侯也侯曰未也當
爲汝士廣置經籍不可以無地起而循學之比爰有
弗土焉是可以營而尊吾經因以益飾其學宮墀廡
門得請于上而脉其廣深度其几楹不煩而庀不張

而章不蓋而底成之日侯與學官子弟喜而落之觀
厥美富精志踴悅乃皮乃儲六籍在中經以聖典構
以賢談有以史志裨以百家芟疵還醇惟經是導侯
喟然曰以是爲尊之已乎尊天者用其日月風霆而
後曰仁尊父母者用其聲色意象而後曰孝尊生者
用其護渴寒煖之時而後曰知經于人如天如父母
如生尊而用之性命形色之微文理事業之大皆取
乎是不然皮閣之鋪管之日而蠹焉有啓問者焉以
辨以文弗躬弗親此又以六經爲孔翠珠璣之玩者